

月
滿
樓
詩
集

月滿樓詩集卷九

元和顧宗泰景猷

受業倪 鏞編輯

木葉集

丙戌。丁亥。南旋以後朋好看花賦句生徒載酒唐吟頗爲吳中韻事余因秋夜讀九

歌愛洞庭波兮木葉下語賦篇

寄咸合兩年詩名爲木葉集

秋夜讀九歌愛洞庭波兮木葉下句爲賦七律

一首得多字

清宵步歸聽巴歌木葉蕭蕭下素波江上有人驚歲晚
湘中何處得秋多盤修常與夫君阻佳夕終邀帝子過
北渚若增搖落感西風吹夢繞烟羅

題張瘦銅督亢圖樂府一首

張侯懷古多慷慨。酒酣斫劍燕歌長。荆卿往事去千載。
旗亭播曲悲風翔。質子當年苦艱厄。馬爲生角烏頭白。
一宵飛逝函谷關。傾國誰爲報讐客。智勇乃有田先生。
結交當日推荆卿。欲激壯心成大事。自殺直等鴻毛輕。
華陽高館擁箕箒。太子日夕置美酒。金箸初嘗駿馬肝。
玉盤更邀佳人手。感激遂入虎狼秦。危冠髮指俱生瞋。
登車就道去不顧。死生那惜區區身。咸陽宮中九寶劍。
圖窮匕首出。倉卒秦王引袖超。屏風羅衣如雪紛紛裂。
鼓琴聲中抽曉轡。藥囊助勢殿上呼。刺王不中中銅柱。

倚笑踞罵何爲乎。吁。嗟。羸。政。非。齊。柝。奈。何。生。却。忘。危。安。
卽。使。要。盟。得。約。契。畧。地。早。背。趙。與。韓。無。論。荆。卿。疎。劍。術。
漸。離。筑。擊。亦。同。矢。燕。丹。寡。謀。自。滅。身。於。期。枉。死。更。何。說。
余。昔。車。從。易。水。過。滔滔。日。暮。回。寒。波。指。點。賓。朋。送。行。路。
白。袍。漸。泣。愁。雲。多。彈。鋏。一。歌。羽。聲。曲。寒。空。慘。淡。傷。心。目。
聞。雞。亭。廢。荆。館。荒。憑。弔。臨。流。想。歌。哭。張。侯。當。今。曠。世。才。
薊。門。乘。輿。歸。去。來。督。亢。遺。圖。譜。筆。底。與。君。起。舞。風。雲。捲。
親。教。樂。部。消。長。書。情。懷。鬱。勃。還。如。舊。馬。遷。良。史。淵。明。詩。
寫。來。聽。取。當。筵。奏。

簪花篇爲繡谷主人題張憶娘卷

城西楊柳吹麴塵。塢北桃花疊綺茵。不覩崔徽畫中意。
安知當日卷中人。卷中之人號小乙。妙舞纖歌稱第一。
蘭釵倭髻壓春雲。銀帶飄飄回艷雪。十三踏節即有情。
十四搗箏更擅名。翠會翔飛媚楚曲。鸞停鳳促接秦聲。
秦聲楚曲時能奏。修態嬌容本依舊。靜婉腰肢那足奇。
絳仙眉黛寧誇秀。雲母屏前試曉妝。水精簾外轉容光。
一聲珠貫流清籟。四座心傾各斷腸。腸斷心傾競憐惜。
五陵公子秦川客。此時窈窕重芳筵。此時婉約傳香帶。
嬌嬈聲價滿東南。媚賴吳娘倚酒酣。三徑花繁開繡谷。
三春風暖會賓驂。既喜容驂得啓主。况復佳人行暮雨。

總梁。澆切。懊。懷。歌。垂。穀。悠。揚。柘。枝。舞。匪。獨。歌。舞。占。風。流。
座。上。詩。歌。破。遠。愁。紅。粉。時。回。驚。御。史。青。衫。暗。濕。動。江。州。
青。衫。紅。粉。當。年。淚。玉。壺。美。酒。嘗。拚。醉。有。時。花。落。看。簪。花。
回。首。韶。光。豈。能。再。不。分。春。風。六。十。年。華。嚴。小。劫。逐。寒。燭。
誰。吹。舊。譜。江。南。管。誰。奏。新。聲。蜀。國。絃。枇。杷。花。裏。人。虛。寂。
蕙。蘭。叢。畔。香。衰。息。翠。羽。金。鈿。不。可。尋。鬢。絲。禪。榻。還。相。憶。
相。憶。相。知。半。酒。壺。春。花。秋。月。竟。云。徂。應。劉。空。想。芳。情。密。
嵇。阮。難。追。逸。興。疎。芳。情。逸。興。偏。思。續。文。采。風。流。已。遺。躅。
蛾。眉。宛。轉。復。幾。時。鶴。髮。推。殘。逝。何。速。嗟。余。撥。觸。感。幽。襟。
開。寶。談。來。思。不。禁。絲。竹。中。年。悲。往。夢。美。人。遲。暮。歎。疎。礎。

疎。礎。入。夢。添。凋。恨。眉。史。披。圖。掩。花。障。可。憐。難。噴。采。春。吟。
可。憐。金。縷。秋。娘。唱。名。士。傾。城。總。繫。思。年。華。如。水。渺。何。期。
臨。風。一。寫。簪。花。格。感。興。微。之。與。牧。之。

秦箏圖修撰請假南還爲壽母徵歌賦得四首
循。咳。歸。去。及。秋。辰。爭。羨。堂。前。燕。喜。人。比。似。季。鷹。情。更。樂。
鱸。魚。兼。得。奉。慈。親。

其二

獨。領。羣。仙。上。紫。微。輕。軒。曾。侍。覽。王。畿。重。來。白。鶴。江。邊。
路。春。雪。寒。梅。映。綵。衣。

其三

小謝承明舊直廬。鸞回紫詔奉恩初。家人花下稱觴遍。
勝却春風遠倚闌。

其四

練水池塘捲暮霞。依然蓬島是仙家。可知報答春暉意。
不賦豪華賦白華。

七月二十七日劉生遜圃邀余暨諸從遊集南園之芳草庵。遲晚上人不至。次壁間文衡山先生韻以紀之。

一渠流水接滄浪。脩竹蕭蕭綠繞堂。日暮裁詩懷佛子。
風清借榻羨劉郎。

時適寓庵中

空林暑退花香遠。幽壑秋生

笑語涼挈伴擬聯居士社。好從曇域問慈航。

中秋前一夕周樵林招集話雨軒得秋字

皓魄將圓蟾影流。小軒密坐盡良儔。寧誇北里徵歌夕。
却愛西窗剪燭秋。百幅巴箋飛逸興。三升蠻酒洗新愁。
更深香爇同清話。雅勝袁宏渚上遊。

中秋後三日陳生雪岑盧生梅嶼攜舟邀遊石

湖晚泊楞伽山下登石湖草堂作

翠微深處足清遊。蘭棹初停杜若洲。遠岫籠烟千樹夕。
曠湖涵月一天秋。却憐叅政留芳壑。豈問鷗夷逐去舟。
最好溪川亭畔路。人來說虎與盟鷗。

輓晚峯上人

月沉秋門木無痕。解脫初歸般若門。修竹聲中繫別夢。

木犀香裏送吟魂。宗支舊自鴛湖出。

晚峯係竹垞先生族孫

詩緒

新從解水論。

晚峯聽月樓詩藁一卷余送歸愚師鑒閱極加稱賞師亦訪上人於先說詩移晷

經卷藥爐人不見。空教剪燭憶黃昏。

題許點齋太守迎杖圖

芳庭嘉植認交枝。欣對依然聚首時。花向三春憐並發。
人如二俊惜分離。清宵聽雨他年夢。白晝眠雲此日思。
回首圖中幾相見。不忘棠棣續新詩。

冬至前一日曉出盤門將之靈巖道中作

城頭初日照晴鴉。策馬盤津石徑斜。松翠欲沾寒袂濕。
山螺半被薄雲遮。短橋臨水通僧舍。小市依村問酒家。
我是江南舊狂客。吟鞭指點興偏賒。

題馬鞍山圖山在廣信道中

輕帆初過玉光亭。一帶疎林入晚汀。回首雙螺雲外合。
馬鞍山色送遙青。

其二

信州烟景足幽探。流水聲中見翠嵐。二十四巖何處所。
訪仙却憶貴溪南。貴溪古餘干地隸廣信

題陳雲江茅屋千株圖

北風吹寒凍香雪空谷幽芬迥清絕伊人嗜好與俗殊
獨賞梅花門孤潔梅花千樹萬樹開清魂漠漠依冰苔
山中芳信占獨早早瞰桃李皆與臺愛此瑤華繪雪壑
半幅生納見林薄中有人兮姑射姿那羨何郎住東閣
憶余昨歲羈征驂寒梅消息無由探渺渺燕雲望鄉國
夢回劃北懷江南今披此圖記光景彷彿銅坑與銅井
避人物外賦閑居月落參橫看疎影笑傲一洗京洛塵
歲晏偏結烟雲鄰願得長歌茅屋下新詩爲寫羅浮春

贈蔣辛齋

時值
六十

賦琴高館敞疎寮人在蓬壺雅興饒欣卜長年周甲子

况兼初度值花朝。爲二月十五日不妨善病仍談笑。每愛哦詩破寂寥。我愧羊求來曲逕。依雲修竹仰風標。

其二

不因藥裏費詩筒。近愛清詞編綴工。芳草微雲秦學士。曉風殘月柳郎中。浮名值換尊傾綠。老興間啜燭映紅。從此畫屏傳好事。羣趨花下祝仙翁。

同吳夢白蔣香涇桂月田山塘放舟作

白隄春水碧於油。七里風光儘逗遛。何處玉簫人倚曲。夕陽山外夕陽樓。

和作

元和蔣麟書香涇

赤欄橋下水如油。一棹嬉春好。迢迢指青旂。沾酒處。柳烟深。覆最高樓。

卜近村間。卽寓廬海棠花下。小集分韻得神字。芳信過寒食。奇姿別有春。最憐紅燭夜。恰聚素心人。半
睡微風鎖。全開細雨勻。醉看簾卷後。洗盞酌花神。

其二

昨歲長安客。會看僧舍春。歸來逢舊雨。置酒感幽人。去年
都門憫忠寺僧號簡中邀看寺中海棠在苒流光又一度矣。枝亞香猶淺。花遲色漸
勻。芳菲看又度。觸緒獨驚神。

同作

吳縣卜樹毓近村

雅歌猶未渺

寓廬近顧秀野先生雅歌堂

欲喚海棠顛宅近閭邱

圃人來闋苑仙飛觥浮臘酒分韻襲香箋點筆春常
在丹青好並傳

蔣蘭樵招飲花下分賦七言小古同用韋柳二

字次家兒花橋韻

軟風習習雲依依蜀茶艷發爭春菲揭來三徑締新賞
接席澹宕無塵機興酣貽酒呼五白快如健將追昌豨
促觴醉從花下飲吁嗟騁轡慚元韋

元韋轡非馳香山句

其二

吾家詩老闥戶牖清格不數柳州柳化工入筆春風生

興到忘年六十九

花橋卅年
六十有九

座中賓主俱名流
友並蕭

朱齊結綬喜余息
鞅追餘歡昨苦南征更北走

原韻

長洲

顧詒祿
花橋

望衡三逕欣相依
山茶春暖多芳菲
爛紅如火映醞醑
良朋譚密無燕機
興來鬪巧拈競病
醉後爭險追
妃豨古人求友貴
直諒莫效世俗徒
脂韋

挑飛三月紛吟
膈絲絲綠遍蘇臺
柳眼前俱是跌宕
人雲夢胸中吞
八九肘後時懸
弘景方

謂近

腰間待

繫嘉州綬

謂諸公

嗟余落拓滯鄉閭
但作史公牛馬走

題莊氏聽泉圖

石壁嵯峨。疊翠微。練光倒瀉。冷泉飛。一篇秋水。南華旨。此樂如今。喻者希。

其二

一泓深碧。自潺潺。野樹幽花。萬綠灣。小坐臨溪。人自得。此身合與暮雲閒。

其三

曠致何須托。窅冥知仁好。樂並流形。重巖起。忽波清。廻却憶前遊。小洞庭。昨年過東平曾遊小洞庭蘇源明有歌

其四

何如清簟與疎籬。人佇虛林逸興添。不得元暉繪雲壑。

風標瀟落寫霜縑

蔣半癡招飲牡丹花下分體得五古

晚春過穀雨。庭幕垂輕陰。微風送幽籟。殘鶯啼餘音。英
英洛陽花。灼灼綺繡林。不知清霧重。坐覺紅雲深。主人
深愛客。見容聯朋簪。香塵接瑤席。嘉醴通芳斟。風流喜
未沫。花信同追尋。無爲遲暮感。聊學陽阿吟。美人正滿
堂。悠哉愜素心。

爲青浦蔣檢亭悼亡

昌亭空滯孝廉船。燭暗蓬窗風雨天。最恨生離成死別。
此宵錦瑟竟摧絃。

其二

春波春草怨江淹。况更潘郎愁緒添。夢斷梨花寒食節。
黃昏微雨下湘簾。

題梅花仕女圖

薄暮悄無人。寒香繞清樾。小立若有思。爲待梅梢月。

其二

羅浮夢中人。仙姿遠凡俗。翠袖不勝寒。看花笑幽獨。

韓香薷旭亭昆季招飲小林屋繪圖屬題

韓侯兄弟好奇服。獨伴幽雲住空谷。一邱一壑皆天然。
封殖先人舊喬木。先人勝國遭滄桑。小隱間樓治隱堂。

貞文先生得歸氏園爲棲隱地堂名冷隱即號冷隱園 架山疊石最奇絕虛亭仿

佛巖巒藏龍蟠鳳逸友遺士落拓襟懷致相似花開置

酒飛清觴一往風流遠朝市貞文先生名在復社與時相忤日與申青門鄭士敬

諸公觴詠園中後不戒于火僅存其半百年轉瞬同雲烟獨留半壁懷前

賢六六古洞仿林屋捨衽曲屋通深泉松陰杳藹翠欲

濕石乳滴瀝霧還合疑有靈威竊素書邈隔仙凡境蕭

颯水石小具亦足殊芝房丙穴想有無仰見菟裘守遺

澤何必十年追全圖鶯啼花落風景暮菱尾餘春暗催

度主人招客盡古歡跌宕琴樽尙如故任公之宅辟疆

園誰從風雨尋頽垣巋然亭榭擅城北清芳歷劫看猶

存酒酣。劇賞丹靑引。貌出虛林更精敏。王二痴一潮當
年遊釣人奕世流徽長不泯。

和王盤溪遊香雪海詩韻

芳樹應從庾嶺分。寒花邀賞最憐君。香封別澗迷晴雪。
影落前村失曉雲。宛似林逋耽逸興。偏殊陸凱憶同羣。
春風澹宕淹游屐。不覺山頭日又曛。

原韻

吳縣王廷魁盤溪

花信匆匆已十分。相思一載又逢君。澗邊瘦影移殘
日。嶺外寒香入凍雲。放眼寥天遊雪界。側身幽島侶
仙羣。籃輿筍屐年年事。清賞何辭到夕曛。

饒齊南太史納姬詞同馮蓮嶼作

一桁湘簾漾曉風。初歸碧玉倚珠櫺。却憐學士生花管。
借畫春山分外工。

其二

青帘碧舫下西江。蓬島神仙未許雙。迎得瑤英移棹去。
水雲深處話疎窗。
時至自西江
將入都門

其三

初向清宵抱錦衾。儂家生長舊芳林。桃花塢畔桃花水。
情比春波一漾深。
姬住桃
花塢

其四

猶是清和雨乍晴。養花天氣可憐生。風流從此題黃絹。
解誦新詞伴遠征。

七夕詞

初看花入曝衣樓。星濛銀灣此夕秋。今歲雲駢知再渡。
兩重離別轉多愁。今年值閏

其二

羅帳秋光隔翠烟。針穿午夜拜嬋娟。佳期回首添惆悵。
蘇小橫塘又一年。

周香巖招集琴清閣得春字

撫景值秋夜。招要撰良辰。分襟接幽契。攬佩來嘉賓。徑

開既窮。窈林深亦岑。負愁石藉碧。鮮臨流對蒼筠。延緣
陟高閣。俯睇空寒垠。泠泠理玉軫。瑟瑟飛梁塵。徵音一
變調。清景棲心神。豈伊怨遲暮。將用愁陽春。輟曲並駢
席。杯行共均茵。見眷合所樂。相與陶其真。疎風起雲牖。
明月流霜旻。握蘭有餘思。作歌贈同人。

虎邱雜詠

曾說生公法。虛亭倚碧岑。一方明月影。千古老禪心。花
落寒潭淨。雲歸別徑深。我來延佇久。疎磬度餘音。

梅花樓

瀾鶴飛空去。池雲逐月流。梅花自春色。千載有山樓。清

繞何郎夢。香從白傅遊。餘芳憐髣髴。轉對曉烟愁。

試劔石

一劔雲根斷。金精破碧空。秦皇餘霸氣。片石表雄風。疑
淬潭波綠。驚留鐵薜紅。至今霜月夜。想像斗牛中。

雲巖塔

百尺聳孤標。凌空倚紫霄。羣山橫翠黛。遠嶼隱銀潮。風
景仍清美。繁華久寂寥。雲間鈴鐸響。永夕度僧寮。

題葡萄畫冊

裂葉風中寫畫圖。紫房磊落引龍鬚。當如山谷收春釀。
佳味尊前饗酪奴。裂葉風本
合樓子

梅菴上人工詩自甫里來謁因贈

南能北秀各稱宗。七淨花開妙悟通。聞說三峯衣鉢在。

杼山詩法是家風。

舊住虞山三峯寺其師祖素風亦以詩稱

其二

飄然惠我碧雲詞。筆底清幽寄道思。笠澤一編秋雨後。料應吟詠愛天隨。

其三

茶烟處處落花多。伏枕縈愁可奈何。偏是已公雲外至。

新詩醫我病維摩。

時余卧病

和作

常烈釋果唯梅菴

秋高林下訪詞宗，松水吳山一棹通。
最愛書巢吟榻爽，捲簾香動木犀風。

寄贈何當白雪詞，訂看楓葉動遐思。
昨宵夢到停車處，十里青山雙屐隨。

新詩束笋選應多，方外搜羅較若何。
幾卷停雲追舊緒，譚禪餘事屬編摩。

玉山秋望

崑山山高削寒玉，奇巒秀嶽相倚伏。
遠勢平。凌秦柱峯，滯流俯撓。婁江曲。
就中現出金仙宮。雲亭月閣交玲瓏。
梅花碎石滴春雨。瑤泉古井含秋風。
榻來山頭眺清曠。

天高氣爽空塵障。海虞極目百里開。吳級橫烟霞上。
憶昔二陸開風流。弟兄詩句猶千秋。後來題勝得郊祐。
至今蕭寺聲名留。振衣長嘯向蒼莽。不盡白雲自來往。
如此空山如此人。獨發幽情緬疇曩。

登樾閣讀雅宜山人詩句

樾閣何年構幽尋。趁晚晴徑從林翠入。人與竹風清好。
句題殘壁前賢寄勝情。何當黃菊酒也作醉歌行。有拈取百

杯飲酬君黃菊秋之句

題彭曉泉讀易圖

曉泉祖陶菴著有易書光微追思先緒因寫是圖時介難

兄晚蜚屬題

賦五言一首

畫卦本義圖。與義尊大始。商瞿衍薪傳。受授及孟喜。陰陽述京房。言數乃造理。月窟兼天根。伊誰契其旨。究微得先民。發揮盡原委。著書藏名山。可俟後君子。賢裔追清芬。纂言嗣前軌。絹素爲寫圖。觀玩深仰止。庭際松風清。林端秋月起。滴露更研朱。悠然淨塵滓。端居抱遺經。辨香信遠矣。

次陳其有寄懷詩韻

彩筆堪修五鳳樓。羨君才調軼時流。趨庭却近燕山月。懷友偏憐江國秋。此日緘書千里隔。他年話雨一觴浮。小金臺下如相待。草長花飛及勝遊。

中秋夕金方城招集西廬同得珠字二首

明月今宵滿。無須照乘珠。玉山良宴會。相對盡吾徒。微
令如臨敵。崔詩比索逋。主情真爛漫。花下任酣呼。

其二

卜築最佳處。清風引碧梧。朗懷人似玉。妙韻唾成珠。憐
我情偏至。逢君興不孤。明朝揮手別。幽夢繞歸途。

遙和慶似邨絢春園詩却寄

秋氣徵涼月影虛。懷人襟抱向誰舒。瑤華贈我新詩句。
想見桐陰點筆初。

其二

閒。涉。名。園。日。幾。回。常。教。阮。屐。印。莓。苔。紅。橋。一。徑。通。溪。水。
舊。雨。還。應。載。酒。來。

其三

風。月。堪。憐。寄。嘯。歌。重。尋。幽。賞。抱。琴。過。營。啼。花。繞。江。南。意。
回。首。西。園。入。夢。多。西園在制府署即尹望山師所題不繫舟處

其四

修。林。委。曲。石。峻。嶒。莊。外。雲。嵐。翠。不。勝。何。日。西。窗。同。剪。燭。
如。將。別。緒。話。巴。陵。

原作

滿州慶
蘭似柳

含。情。小。坐。碧。窗。虛。入。望。能。教。眼。界。舒。閒。與。園。了。談。往。

事鶯花無限似當初

蠟屐時從曲徑回尋春不厭踏蒼苔
拓開兩岸通泉
瓜引得紅橋活水來

婆娑醉影發狂歌水榭風亭取次過
蔓草幾時刪得
盡與花無碍不妨多

山分高下勢峻嶒鎮日探幽力尙勝
猶記西園憑眺
處客來重與話金陵

次韻桂林小齋同韓旭亭

彷彿小山隱桂花香滿林人依雲外幌
秋入月中琴
此宵如畫飄然帶與襟知余興不淺幽賞有同心

同作

長洲韓是升 旭亭

讀書得靜理。城市亦山林。庭植一枝桂。牀橫百衲琴。
豈能容俗客。何處着煩襟。我愛幽棲好。時來訪素心。

次曹習菴編修乞假歸省到家述懷韻

六首

話。兩。官。齋。記。禁。烟。還。看。錄。別。薊。門。前。歸。來。仙。駕。當。三。月。
重。接。清。暉。又。一。年。江。右。聲。名。推。藝。苑。儒。流。學。術。振。書。田。
循。陔。此。日。承。恩。命。報。主。榮。親。道。兩。全。

其二

雲輅初返及芳時。好道江南風月知。趨近鯉庭憐晝永。
歸開鴻案覺春遲。喜徵門內長弧設。韻事花前半臂垂。

時以懋懋修。真是一家欣聚首。吟情晨夕付撚髭。
書圖屬題

其三

簪筆從容侍。帝宸暖香常惹玉爐春。校書正待論千載。來論無妨假十旬。中禁久誇才子號。故鄉偶作醉仙身。白雲繞舍追歡夕。清福如君有幾人。

其四

一笑重教接舊顏。欣看仙髮未云斑。却憐風雨三秋後。又逐尊壘十日間。碧漢似君才望重。青山許我嘯歌閒。相忘車笠花時聚。雅託知音數往還。

其五

孤飛天遠脫塵樊。鴻爪生涯已數番。曩昔遨遊凌海岱。
於今術業寄田園。逕封蒼藹尊松子。邨繞黃雲課稻孫。
却感高賢頻左顧。每通聲款款柴門。

其六

十年領契足披襟。藹藹停雲想望深。正喜鳳輝翔故里。
旋教駒唱動離音。清風詩句滄洲滿。時作詩留別紅日光華
仙島尋。此去木天天尺五。論思朝夕展丹心。

周香嚴招集齋中看菊分韻得寒字

撫景值秋晏。芳菊開幽闌。主人會賓友。折簡追古歡。入
門駭且走。冷艷得異觀。新黃間繁綠。皓白乘純丹。或如

金屑積。或如瑤華攢。或如翠苞拆。或如霞光圍。或矯如
降鶴。或集如翔鸞。弄姿各殊態。未落紛可餐。陽春借造
物。獻媚忘天寒。是時月未滿。宵列明鏡看。飛光照秀采。
繪影良獨難。欣賞置旨酒。交錯巡杯拌。藏鈞似坎楚。拇
陣同侵韓。一笑盡醉止。高燕傳詞壇。羅舍爲營宅。陶令
曾辭官。較此轉寂寞。何以捐澆酸。惟君愛敬客。佳夕羅
衣冠。峯英作重九。欲譜誰能殫。酒酣發歌嘯。詩就分文
翰。昨歲西風節。余方息征鞍。比年役塵壤。花老生長嘆。
獨感秋雲暮。每惜清霜殘。騷人怨江渚。遣興比蒹蘭。何
當良宴會。頓令襟懷寬。洗笈對壽客。菊爲詩名肯使吟喉乾。

忘歸漏方永不竭。生情瀾忽聞。落葉聲。檝檝驚林巒。

題章二梧中翰蘇臺送別圖卷

輕帆十幅五湖舟。正植梧宮落葉秋。人溯水雲千里去。
西風吹送到瀛洲。

其二

西垣深處五花香。吟藥才名過謝郎。他日金臺憐折柳。
江南清夢繞鱸鄉。

其三

青山疊疊水粼粼。愁絕臨歧握手人。憶昔百花洲上別。

灤州疎雨下江津。余往年北上曾
遊江津錄別圖

其四

妙同黃絹故人詩。南望蘇臺寄所思。此夕補圖爲寫意。

家山話雨更何時。

中翰歸省時王夢樓侍讀書蘇臺詞贈行近將北上沈芥舟爲寫蘇臺送

別圖

題張商言寶研圖

片石留先德。思深什襲餘。服官清節見。削草佞人除。

研爲

商言祖莊偉先生物先生著聲嘉靖朝始由南京刑科給事中屢遷至刑部尚書尋改左都御史秉性清嚴中外畏憚多所劾奏雖毒詆愛永貞文笏芬垂公雅書愴如嚴嵩父子亦莫能訶訕

用范喬事

然寶祖研感泣更何如

其二

篆文珍手澤。京邸迺流傳。完壁歸千里。還珠感百年。八研
流矢近得之。於京師報國寺。乃携歸吳門特繪圖作記豈惟神物壽。終得子孫賢。
光大追前緒。興宗記寶田。

題習菴編修燃燭修書圖

滿。逕。雲。陰。繞。碧。桐。香。添。五。夜。坐。房。櫺。校。書。留。得。金。蓮。燭。
不。獨。然。藜。秘。閣。中。

其二

依稀花障月明初。兩美粧新伴綺疎。應是掌書天上謫。
女中才調亦相如。

其三

銀壺初轉漏初微。半臂宵攜宛授衣。却笑多情稱小宋。
錦江醉後忍寒歸。

其四

史書點筆每隨時。常許清娛侍鳳池。不解雕華矜逸韻。
花前但賦玉臺詩。

輓沈丈澹所

人是吳中舊散仙。日斜庚子恨流年。詩殊賈孟仍清格。
筆繼鍾王有秘傳。遣興雲山晨着屐。關心書畫夜移船。
襟期如此風流盡。落月寒楓並愴然。

有懷劉遜圃同雪岑作

寒風落葉滿江潭。長湖伊入秋水南。此夕停雲勞遠夢。
何時對月續清談。空山策蹇靈巖寺。疎逕聽鐘芳草菴。
回首前塵如昨日。懸知君亦憶幽探。

題沈春江戴笠圖

何妨遁隱寄人間。荷笠飄然興趣閒。謀野便教行藥去。
浮家更可棹舟還。晚花香稻吳淞里。細雨斜風西塞山。
曩哲風流知未沫。好憑陰緒一追攀。

白菊次韻

昔人詠白菊。不少佳句。如楊巨源詩。素萼迎風舞。銀房泣露香。劉禹錫詩。桂叢慚並發。梅

蓋妬先芳許棠詩香飄風外別影到月中疑
張貴詩雪彩永安號女華寄身多是地仙家
陸龜蒙詩月中若有閒田地爲勸嫦娥着意
栽又月朶暮開無絕艷風莖時動有奇香皆
鏤刻求工然總借風月雪霜及桂梅等字烘
襯出之若用白戰體仍復雅切難中之難矣
苦無思筆聊就鄙見爲此質諸社友知笑魏
公不自藏拙也

每憐送酒白衣過。深伴幽人住薜蘿。一逕冷香留艷淺。
半籬空影得秋多。獨迎青女寒如許。若傍朱門俗奈何。

珍重玉英塵外種，夕餐好作郢中歌。

題空山積雪圖

積雪滿空山。一望重陰。
何處梅花開。却斷尋芳路。

月滿樓詩集卷十

元和顧宗泰景嶽

受業黃炳奎編輯

棲霞集

戊子秦淮屢役幾將二十年曩日匆匆未

盡登陟之興且攝山名勝每交臂失之是年由楓江至惠山歷金焦訪華山迨抵白下諸名勝處重經搜討于是遂造棲霞下榻般若臺別院窮三日之力巧嶂崇巒松風石瀨頗得其曲折不至山靈笑人也既紆道至廣陵重遊平山堂所爲詩合前後總名爲棲霞集以是山爲江左勝而余歷游久始得遂願爾

題徐仲米山水畫卷

千○山○萬○山○藹○秋○綠○中○有○幽○人○結○茅○屋○蕭○蕭○落○葉○催○寒○林○
汨○汨○清○流○繞○空○谷○偶○然○行○藥○扶○蒼○藜○負○緣○直○過○山○橋○西○

西風吹衣帽將夕。白雲踏破窮幽蹊。翠微深處飛泉落。
碎響琤琮瀉重峯。恍如雪鳥下晴空。又似珠簾捲高閣。
是時回首霜嵐秋。塵襟滌盡無煩愁。但得許公濟勝具。
欲步台嶺尋龍湫。如此煙光亦疎快。地奇境別舒眼界。
平生劇愛山水綠。臥遊且對徐熙畫。

題洞庭徐氏息舫園畫卷

偏知西崦路。瀟灑築林亭。竹徑通寒綠。山牕納晚青。栽
花應有記。相鶴亦成經。乘興何時訪。舟移月外汀。

其二

人在青山外。家藏秋樹中。滄雲流舍北。寒水繞溪東。誰

作藍田友。爭憐桑苧翁。欲吟招隱句。題葉滿霜楓。

春日同王西莊先生暨條山明經蔣檢亭孝廉

集盤溪停雲齋小飲分韻得春字

東風吹欲遍。開到玉花春。偶過停雲館。欣偕話雨人。鴉
叉分畫卷。螺盞醉香醇。幽興從來熟。還教剝啄頻。

同作

嘉定 王鳴盛 西莊

辛夷蕊始蒼。丁子香未靄。客至自花南。境幽乃人外。
山鳥和彈琴。春風吹解帶。杯行莫教停。酒盡猶堪兌。

華亭 王鼎 條山

溪口波搖綠。舟疑畫裡停。巡花春喜晝。照眼玉成屏。

爲敘三年別還容片刻醒酒闌迴棹晚煙嶼耿橫星

青浦蔣雲師檢序

偶傍花間步城南訪野堂入林紅助影隔座澹生香
愛讀南宮畫頻傾北海觴酣吟歸路晚山色遠蒼蒼

二月朔日放舟楓江歷遊支硎寒山天平諸勝
卽餞送畢秋帆觀察之任秦中

梅花開日到江天彩鷓初移碧水邊駐節衆看新使者
探山人是舊神仙十年夜雨靈巖館觀察向讀書靈巖山二月春

雲石室泉今夕重追詩酒會紗籠還認昔題牋

其二

行虎爭推第一流。秦關襟帶控岷州。清名遠達摩雲嶺。
雅望高依天漢樓。啟處無妨來驗便。馳驅未許簡書留。
臨岐夢繞青芝曲。青芝山在鄧尉南時魯園殿撰訂往探梅未暇皆遊載酒人歸
戀勝遊。

花朝前一日山塘放舟同吳魯齋明府吳亦旬

王條山明經蔣檢亭孝廉周樵林上舍作

望裡遙山鎖翠煙。遠隄新水碧於天。扁舟重泛桐橋路。
楊柳春風又一年。

其二

暖雲深處撥輕橈。隔巷吹晴聽玉簫。檢點風光春半醉。

賣花聲裡度花朝。

其三

鶯啼燕語愛江干。小住年來解客鞍。如許韶天花布錦。
幾人春在故山看。

其四

分試巴箋墨彩斜。不教畫壁讓詩家。清遊一度添佳話。
贏得他時感歲華。

爲虞山韓梅坡題幽亭秀水圖

伊人作客近臯橋。愛向吳門接素交。却憶初平石畔路。
結廬春榜古梅梢。

其二

影娥川水閒閒居木秀亭幽雲意疎。畫裡無人超自得。倪迂逸趣比何如。

酬雲間張文亭茂才卽次其寄懷韻

未共尊前話唱酬。感君雲夢繞蘇州。昨來仙舫清風便。許挹芳襟朗月侔。花入半春開令序。人從異地集詩流。時條山亦至自雲間却憐小聚還輕別。何處橫雲每倚樓。

其二

寄我詩篇未易酬。翩翩清格近隨州。祇應春雪堪供寫。除却梅花羞與侔。近示綠梅唱和詩一卷家傍五茸開曲徑。門隣

三柳引芳流。何當相訪雲山外。剪燭聯吟驛客樓。

題程東冶聽秋圖

金風一夕鳴颼颼。白雲捲地空山秋。科頭箕踞倚危石。
長嘯不作塵中遊。翾飛時有紅葉落。噴激但見清泉流。
一天慘淡寫不得。秋聲何處歐陽愁。

王條山自玉山寓館寄示修禊詩次韻

落紅如雨柳如煙。春暮風光板楔天。却憶青溪同作客。
鷓飛水閣五年前。

其二

幾聲玉笛隨風度。是處蘭舟隔水招。三月重三好煙景。

轉憐花事說花朝

其三

紅橋九曲亞闌干。曾走東風逐錦鞍。今日白堤重載酒。
冶游人作竹西看。

其四

青帘影帶夕陽斜。愛向江頭問酒家。聽取花前小海曲。
惜春誰不感韶華。

和毘陵陳野航病鶴詩

豈爲長飛鍛羽翰。春風倦舞碧闌干。獨憐孤影依雲瘦。
猶引清音戒露寒。茅固軒頭棲紫局。荀環樓外羨青巒。

十年憔悴雞羣笑。有日翔空控彩鸞。

四月八日小集

疎松落翠滿庭幽。浴佛佳辰集勝流。濕暈瑤琴梅釀雨。

王條山時

舊客初

涼生羅袷麥交秋。新題好寄婁江館。

客玉山

莫負一尊宵剪燭花前小醉足清

酬。

題昆陳野航亦園用劉遜圃韻

宛從芳墅追遺澤。共識文貞舊笏思。載酒客聯花下社。

瓣香人謁竹中祠。

周中以祠宇爲權輿

錦淙翠館嵩山志。黃泚椒

亭。嗣水詩欲訪主人乘逸興。擬當新穀薦秋時。

其二

芙蓉湖畔有園池。振雅堂開寄遠思。某水某邱憐小築。
公才公望說宗祠。雨沉春酌蘭陵釀。風動秋吟伯玉詩。
八月高秋晚涼風正蕭。誰與披襟同勝賞。牕中看岫捲
瑟陳正字園中句也。簾時。

原韻

通州 劉敏中 遜園

南蘭才子懷芳澤。奕世清芬最繫思。綠水多情開別
墅。春林無恙妥先祠。花前檢點平泉記。谷口招邀漫
叟詩。乘興煙溪谷過訪。輕橈擬泛早秋時。

送吳魯齋宰江都

城郭垂陽外。晴江送早潮。使君乘碧水。官舫到紅橋。仙
望歐蘇近。薰風鼓吹遙。看花理無事。餘興寄詩瓢。

其二

往歲分符處。春深罨畫溪。瓣香追曩哲。

修慮忠烈公
祠著有詩歌碑

記保障念羣黎。

董荆南城工
邑人頌善政

澤永金沙北。名傳玉女西。

豈徒吟水榭。雪棹愛留題。

用小
社詩

其三

連袂百花洲。常叨載酒遊。論心將十載。惜別每三秋。煙
雨遶鳧鳥。琴尊饒虎邱。昨送山
塘餞別明朝邗水上。清夢繞揚
州。

其四

伊涼歌短曲驛路憶梅花

魯齋西遊作涼州曲甚工有句云鳥鼠山南雁影孤邊城

二月草猶枯經行驛路三十里曾有梅花一樹無

他日何郎閣偏知春信餘傾

尊聽夜雨點筆看江霞羨續魚洋會容余泛遠槎

同作

新安吳賢魯齋

曾過燕城路橋邊問酒樓風懷猶可溯歲月已如流
簿領慙予拙鶯花訂共遊歐蘇遺跡在肯爲一攀留

爲家來之題竹木圖

秋林一夜秋風入白雲生寒露華濕洞庭湘水渺天南
直使煙光千里合當年竹木傳營邱鶴樵松雪皆其儔

此圖興寄無乃是涼空瀉碧捐煩愁。吾家詞人好奇服。
撫景蕭疎眷空谷。昨從閩嶠歸去來。沙白江清事卜築。
凌秋一嘯回天路。四山葉落蒼茫中。鷓鴣啼殘翠筠脫。
鳳凰飛去樹花空。放眼悠然獨寄傲。飄搖襟袂塵氛掃。
誰收林壑當臥游。畫師師心筆能到。展君長圖發浩歌。
訪君卽在蒼巖阿。底獨敗毫揮淡墨。玉堂畫永懷東坡。

東禪寺林酒仙祠

依然繁綠滿門前。北磻遺銘

僧居簡北磻集爲作銘

憶舊緣。至竟

生天原是佛。亦知飲酒卽爲仙。松杉曲逕侵疎雨。瓜豆
斜籬冒澹煙。我到東莊偶乘興。真如應許醉鄉眠。

韓旭亭饋荔枝因作

追涼人愛住冰壺。江綠方紅譜畫圖。貽我香丸佐清酌。
啖來勝絕荔枝奴。

其二

佳人纖手擘紅芳。不下輕鹽浥露漿。爲詠翠釵先取句。
風流好事問冬郎。

題霜林激澗圖

素練清霜起滿林。楓葉秋雙厓藏曲澗。一水濺飛流獨
得巖中賞。將爲物外儔。歲寒幽典劇。此地足淹留。

題桐陰坐月圖

涼。生。庭。宇。露。華。流。小。坐。偏。宜。竹。石。幽。遙。夜。月。移。桐。葉。外。
碧。雲。如。水。一。天。秋。

其二

石。上。斜。橫。綠。綺。琴。錦。囊。深。襯。碧。苔。陰。休。將。玉。指。彈。秋。思。
誰。賞。成。連。海。上。音。

題晴郊獨眺圖

好。風。昨。夜。滿。花。津。便。覺。晴。開。郊。外。春。雲。隴。鳥。健。依。野。客。
柳。橋。黃。鳥。喚。幽。人。微。吟。自。足。空。村。趣。小。憇。全。無。軟。土。塵。
韶。景。入。懷。流。覽。遍。何。妨。攜。酒。往。來。頻。

題崔漫亭進士易漁圖

清望仙家玉笏班。閒情把釣碧雲灣。心游一壑一邨外。
人在非夷非惠間。池北綠浮波底樹。竹西青隱雨餘山。
儻然濠濮風流近。白鷺歌中易往還。

題桃花源小景

碧水流雲下柔艣。桃花岸接垂楊浦。東風昨夜吹繁枝。
英落繽紛灑紅雨。此間便是武陵春。何處漁郎許問津。
綠野年年耕鑿古。不須更羨葛天民。

和邵西樵園居詩韻

一庭雲影落高梧。幽徑斜通澹碧蕪。晨夢春風飛鳳子。
夕餐秋水進蝦姑。捲簾每問花開未。掃榻常探客到無。

邱壑自娛多逸趣。閒來小醉任歌呼。

其二

堯夫安樂自稱巢。

温公贈堯夫詩云遠去利名窟自稱安樂巢。

十詠題箋締

素交

向示村居詩屬和

增閣貯書薰。夙蠹巡簷遶樹。剔寒蛩微

驗。妙吐仙毫上。獨坐清移漏箭梢。還放西牕傳韻事。側

楸竹外玉棋敲。

登和梧巢二韻

豈似莊生倚槁梧。層層花榭繞蓮趺。書月映烏皮几。
學佛香生鵲尾爐。歸隱最憐松水僻。夢游曾憶楚山孤。
西樵向一揮玉麈塵襟遠。獨領風流不負吾。

客湘中

自笑粗安巢父巢。歸與差謝北山嘲。十年游倦嗟王粲。
五字詩清羨孟郊。君住青門堪自適。我吟碧月忍輕拋。
迢迢柳渚容相訪。一棹蘭舟到岸均。

贈鄭可亭

清才能絕俗。逸興寄詩篇。氏以康成著。居從魯望傳。五
言殊有味。三絕亦推先。試詠邗江句。風流羨少年。

舟中見荻花

短櫂橫波放小舟。荻花如雪滿芳洲。寒依鴈侶三更月。
清伴漁公一夕秋。紅蓼凋餘看素影。白蘋開盡見風流。
憐余別有伊人想。欲溯中央動遠愁。

將之白門沈梅溪載酒楓江送別因贈

十里亭前碧柳陰。維舟送我悵分襟。楓江不比花潭水。
直抵君情一樣深。

過無錫陸望湖竹泉昆仲招遊惠山餞飲舟中

作

望中秋水碧於天。風緩梁溪放酒船。二陸才華驚腕下。
九龍山翠落尊前。論交半是雲霞契。卽境偏多翰墨緣。
記取漪瀾堂畔路。清游回首又三年。

登錫山望湖亭

盤盤雲磴上孤亭。極目湖光落遠汀。最好斜陽飛鳥外。

仙鬢七十二峯青。

渡江登金山

妙空巖畔起松濤。振策凌風千仞高。天借三峯橫翠障。
江迴九派湧金熬。自憐落拓心還壯。欲問蒼冥首重搔。
玉帶長橋亘門外。我來坐月醉香醪。

龍潭道中

年年子役賦江南。秋樹蕭森最不堪。山翠入天連鐵甕。
江聲走海繞龍潭。疎燈明滅橋頭店。曉月依稀村外庵。
誰識青衫憔悴客。西風又此拂征驂。

華山道中

小。拂。吟。鞭。向。石。城。殘。蟬。疎。柳。短。長。亭。螺。痕。幾。曲。秋。雲。外。
愛。看。青。山。未。了。青。

陶衡川外翰招同人集五柳堂分韻得關字

幾。載。清。暉。隔。笑。顏。秋。風。重。宴。謝。公。山。六。朝。佳。氣。煙。雲。外。
四。國。名。流。縞。紵。間。喜。聽。笙。歌。淹。水。榭。愧。無。詞。賦。老。江。關。
難。忘。五。柳。堂。前。會。月。下。瓊。枝。許。再。攀。

題唐蕤汀陳倚竹兩茂才秦淮水榭詩後卽和

韻

碧。水。紅。橋。白。下。城。佳。遊。未。許。數。歸。程。才。人。佇。興。吟。江。館。
愛。聽。瀟。瀟。暮。雨。聲。

其二

幾曲清淮繞細瀾。渡頭疎柳夕陽殘。江南秋景猶如此。
况是桃花二月看。

眺鍾山

東接青龍北雉亭。鍾山山勢鬱崢嶸。誌公舊塔頽雲繞。
蔣尉荒祠夕照橫。天外一江分極浦。煙中萬井入寒城。
劫來更上栽松峴。無限蒼涼六代情。

訪靈谷寺

巧峯迤邐入珠林。障日藏雲不厭深。斷磣亂流寒水急。
諸天幽籟古松吟。琵琶街畔傳餘韻。鐵剪庭前護夕陰。

三絕舊碑何處問。扶筇且散薜蘿襟。

尋周氏草堂

草堂人去後。空倚北山岑。日夕寒煙上。青青叢桂陰。

尋王安石定林

罷政歸林壑。騎驢日夕行。熙寧追往事。愁絕杜鵑聲。

遊雞鳴寺

覆舟山外雞鳴寺。終古琳宮傍翠微。俯看臺城餘故壘。
平凌十廟隱重扉。遠峯銜日紅霞落。後沼澄波白鷺飛。
誰識當年清禁地。風流千載想依稀。

眺元武湖

蕭寺鐘聲入晚遲。好憑北檻看漣漪。疏塘尙接華林館。
遠水曾通太液池。魚趁涼波新雨後。禽依野岸夕陽時。
湖山如此風流盡。搖落空令過客思。

長干寺

晚過長干寺。浮圖眺碧空。雲來鍾阜北。樹接秣陵東。遠
勢凌江界。餘芳歇故宮。我來一長嘯。高處倚天風。

雨花臺

當日談經處。雲光有舊臺。終成黃鶴識。空見雨花來。磴
曲延秋樹。壇虛繞碧苔。捫碑係感慨。歸路夕陽頽。

游清涼寺

一徑修篁接遠岑。翠微亭畔愜幽尋。紅雲排覆琳宮曉。
綠樹偏藏繡壘深。後主舊愁如幻夢。坡公往事合禪心。
人間此是清涼地。小憇堪披物外襟。

望牛首山

何處芙蓉閣。晴空認遠峯。屹如雙角起。恍見五雲重。天
闕高無極。江南秀特鍾。便當乘興往。仙境啟瑤封。

青溪小姑祠

小姑環珮杳。逆韻至今留。溪水祠門外。寒鴉點素秋。

登石頭山

登嶺重岡最上游。千年虎踞重西州。幾間駐馬紆長策。

曾見降旛動。遠愁日落金陵。枯樹夕湖。回石塢。大江秋
感深。八代繁華逝。形勢依然。眼底收。

梅岡

一帶林亭夕照開。遊人歸自講經臺。曾聞丙史芟裘地。
花外岡。巒尙姓梅。聚寶山東麓爲雨花臺臺之
西爲梅岡相傳晉梅賾家此

題黃仙耕贊府瓦句圖

取次看花過遠蹊。碧苔小坐獨留題。閉門那羨陳無已。
管領風光在水西。

其二

龍溪才子本清門。製錦來游皖口村。三十六巖煙雨遍。

好將吟興托芳尊。

其三

仙袂初逢孫楚樓。長淮幾曲繞清流。張喬他日如相憶。
剪燭裁詩梧雨秋。

瓦官寺

一上昇元閣。浚秋騁遠望。半城迴日影。千里散雲光。僧
書維摩壁。顧長康誰圖古佛場。王次道却教懷往事。向夕立

蒼茫

攝山詩

歲在乙酉。曾陟栖霞。時因奏賦未遑。暢歷今

戊子秋乃得重遊。下榻般若臺之別院。令僧人導先。凡閱三日。獲探諸勝。巧嶂崇巒。玲瓏萬狀。松陰石瀨。隱秀各得。其中曲折僧寮。則倚山架石。並擅幽峻。江總持所云。茲山靈妙。合當與天地俱者。未遊不知其勝也。按攝山去府東四十餘里。山多藥草。可攝生。故名攝山。又以重嶺似繖。名繖山。北有水注江。乘入攝湖。秦皇所從渡江者也。齊明僧紹捨宅爲棲霞寺。文惠太子鑿石爲千佛嶺。隋文帝琢白石塔。置舍利。自唐而後。寺名遽易。今仍共

舊始遊自彩虹明鏡。最後登最高峯。立太虛。
亭一望勢壓鍾山。觀音摘星諸峯。俱在山下。
北檻則大江襟帶。風帆如葉。東瞰海門。雲光
浩蕩。真窮目千里矣。今上南巡江甸。駐蹕
茲山。攬雲霞于半壁。匯江山之鉅觀。睿製
垂篇。鴻藻騰輝。照耀巖壑。洵千載一時也。管
窺蠡測。莫能道得萬一。聊紀斯遊。逐景分題。
竊村吟咏。共得十二章。茲山勝概。或者仿佛
見之。敢與大雅之流聲。亦著私心之勝賞。庶
幾不虛此遊云爾。

彩虹明鏡

昨朝眺後湖。澄波朗如鏡。今茲登攝山。更擅林泉勝。危石紅橋通。虛澗碧流映。曲曲翠迴環。行行路孤蔓。此心寄空明。塵氛一以淨。當境俱化機。雲飛與川泳。

幽居

空山境本幽。探幽此爲最。徑轉修篁深。峯互蒼松兌。石勢湧江雲。片片出山背。應邀子荆漱。當下南宮拜。憇彼碧薜亭。賞此無人界。隔嶺一聲鐘。孤情落天外。

般若臺

珠林闕崇臺。臺下通寒澗。取徑多緣陰。攜僧歷幽院。昔

遊九龍峯名泉契夙願。揭來酌真珠的樂當風減。人在
雨花天。疑對芙蓉泚。無非般若心塵埃。一空幻。臺下有
真珠泉

桃花澗

春半天桃花。亞枝最都冷。落英更繽紛。紅雨自天灑。因
風散。阿。觀空悟般若。無言妙諦生。目遇皆心寫。花潭
聽踏歌。何須羨白也。

紫峯閣

天風吹紫霞。墮地作巖隙。衆峯拱一峯。迴巧露奇相。不
勞追琢工。造化合意匠。泠泠功德泉。欲滴蓮花上。凌雲
躡層閣。凡襟一曠放。煙光自遠迎。彩翠難具狀。遠隔赤

城標此間引高望。

玉冠峯

陟山不厭高。寒風每吹帽。茲峯玉冠稱。至聖心乎好。
聲錫副其寔。不似浮名釣。戴雲若可彈。承花亦堪掃。有
質含玉輝。德與君子肖。奇句仰天章。光氣巖巒耀。

千佛嶺

天開既有巖。茲嶺禮千佛。一佛化億千。億千原歸一。佛
佛皆菩提。無盡亦無物。當年湖仲璋。象教著靈穴。文惠
乃繼之。苦海度寶筏。誰參面壁心。七心盡開豁。

九株松

松名
御題

鬱鬱挺喬松。有此蒼然色。衆幹多礪礪。九株更英特。曾
冒六朝霜。望古情不極。幽賞愜帝心。芳名自天錫。濤
和鐘聲清。陰藏峯勢直。儲作棟梁材。仰者爲竦息。如鑒
在廷臣。中正秉高格。

登浪崖

訝茲疊翠殷。似彼層波皺。伊誰鞭山靈。無雲自翹伏。復
良爲入坎。形奔勢空中。驟我來自金焦。江心撼巖岫。此
崖江海觀。怪石欲驚走。奏游若爽難留。歸路隨蟻狖。

萬松臺

崇臺攢萬松。凌霄清以肅。不數百圍桐。詎爭千畝竹。繁

雲結層陰。疎鷗散。殘煥振衣。眺層樓。眉宇上。寒綠長嘯。
空山空。鷓音和林谷。

白鹿泉

泉以白鹿名。其水無塵滓。歲久泉脉淤。未下清流駛。前
因建離宮。踈澗白雲裡。安得引下方。溉田編鄉里。旱歲
可無憂。一俛農人喜。

最高峯

少憇優雲庵。陟巔力倍勞。石磴盡紆盤。放眼眺平楚。北
檻橫大江。頽波疾奔馬。叶東西指。願間鍾阜及海滸。翹
吳競逐鹿。宋金互鬪虎。煙雲剩江山。形勝自終古。我來

發。臚。歌。雷。門。愧。布。鼓。他。年。倘。重。遊。崇。祠。拜。仙。姥。

頂有天妃祠

同作

海國陳湛滄安

振策探幽紫翠巔。平蕪一帶渺寒煙。江光縈拂通吳會。雲氣迷茫接楚天。古嶺俄看千佛頂。老松猶認六朝前。最高峯在層霄上。梵韻鐘聲澈石蓮。

自白下之廣陵。吳魯齋明府招遊平山堂卽席

有作

夕陽橋外夕陽樓。繁柳交陰罨碧流。八月風光秋水。上六朝山影蜀岡頭。才人健筆誰推杜。使者芳聲又溯歐。吟舫一尊情爛漫。好看皓魄醉揚州。

和作

華亭王鼎係山

江風吹度十三樓，園桂飛香挾露流。
一闕新歌宜隔水，二分明月恰當頭。
客來賦手才傾鮑，人到平山蹟戀歐。
歸棹紅橋拚爛醉，輕帆明發又瓜州。

紅橋絕句六首

依然坡郭綠楊前，人向紅橋泛酒船。
十里簫聲吹不斷，畫樓何處隔溪煙。

其二

松臺花嶼最玲瓏，一帶朱闌似彩虹。
終古竹西西岸水，和雲依舊抱隋宮。

其三

風流銷盡玉鉤斜。那向空臺問麗華。剩有六朝山色在。行人。岡外看殘霞。

其四

紅橋鴈齒跨江隈。此地偏成金粉媒。碧舫青簾疎柳外。波心。齊載夕陽回。

其五

簾波淡宕不勝鉤。新月盈盈水上頭。小閣徵歌憐往事。於今回首又三秋。

其六

十三樓下浪知名。秋老魂銷水調聲。明夕蘭舟泊何許。
不堪清夢繞蕪城。